

SS13
007-2

1部29

松脂

本經名松膏
俗名松香

苦甘溫無毒。

本經主癰疽惡瘡頭瘍白禿疥癩風氣安五藏除熱久服輕身不老延年。

發明

松脂得風木堅勁之氣其津液流行皮幹之

中積歲結成芳香燥烈允爲方士辟穀延齡之上藥然必蒸煉始堪服食本經所主諸病皆取風燥以祛溼熱之患耳。今生肌藥中用之者取其瀉以斂之也。

松節

苦溫無毒。

發明

松節質堅氣勁久亦不朽故筋骨間風溼諸

病宜之。但血燥人忌服。松花澗心肺益氣除風溼合醫治痘瘡溼爛取其涼燥也。

杉 辛微温無毒

發明 杉氣芬芳。取其薄片煮湯薰洗。腫瘡無不獲
効。其性直上。其節堅勁。有杉木湯。治脚氣痞絕。脇下
有塊如石。方用杉節。楠葉各一升。大腹楨。榔七枚。連
皮。碎搗。童便三升。其煮減半。服之。大下三行。氣塊通
散。此鄭問美治柳柳州法也。杉葉治風蟲牙痛。同芎
藭細辛煎酒。含嗽。杉子治疝氣痛。一歲一粒。研酒服
肉桂 辛甘大温無毒。去麤皮用。凡桂皆忌葱。勿見
火。以辛香得火。轉烈。恐動陰血也。色深紫而甘。勝於
辛。其形狹長。半捲而鬆。厚者良。若堅厚味淡者曰板
桂。今名西桂。不入湯藥。近世舶上人。每以丁皮混充。

不可不辨。

發明 肉桂辛熱下行。入足太陰少陰通陰蹻督脈。氣味俱厚。益火消陰。大補陽氣。下焦火不足者宜之。其性下行導火之源。所謂腎苦燥急食辛以潤之。利肝腎止腰腹寒痛冷痰霍亂轉筋。堅筋骨通血脈。元素言補下焦不足。沉寒痼冷之病。下部腹痛。非此不能止。時珍治寒痺風溼陰盛失血瀉痢驚癇。皆取辛溫散結之力也。古方治小兒驚癇及泄瀉病。宜五苓散以瀉丙火。滲土溼丙有桂抑肝風而扶脾土。引利水藥入膀胱也。赤眼腫痛脾虛不能飲食。肝脈盛脾脈弱。用涼藥治肝。則脾愈虛。用煖藥助脾。則肝愈盛。

但於溫脾藥中倍加肉桂殺肝益脾一治而兩得之
同丁香治痘瘡灰塌以其能溫托化膿也又桂辛散
能通子宮而破血調經消癥瘕破瘀墜胎內托陰疽
積癰久不斂及虛陽上乘面赤戴陽吐血衄血而脈
警警虛大無力者皆不可缺有胎息虛寒下墜服黃
芩白朮輩安之不應小腹愈痛愈墜脈來弦細或浮
革者非參耆桂附十全大補溫之不効昔人又以亡
血虛家不可用桂時珍以之治陰盛失血非妙達陰
陽之理不能知之惟陰虛失血而脈弦細數者切忌
今人以之同石炭等分爲末摻黑膏上貼癖塊効亦
取辛溫散結之力然惟藜蘆之人皮膚粗厚者宜之

桂心 辛甘大溫無毒。卽肉桂之去外色淡，但存中心深紫，切之油潤者卽是。

發明 桂心既去外層苦燥之性，獨取中心甘潤之味，專溫營分之裏藥。故治九種心痛、腹內冷痛、破產癖等病，與經絡軀殼之病無預，非若肉桂之兼通經脈和營衛、堅筋骨、有寒溼風痺等治也。

牡桂 一名大桂 辛甘微苦溫無毒，甜厚而潤者是。

本經主上氣欬逆、結氣、喉痺、吐吸利關節、補中益氣、久服通神、輕身不老。

發明 牡桂辛勝於甘而微帶苦性，偏溫散而能上行，故本經治上氣欬逆，成無已利肺氣，皆取辛散上

行之力時珍不察乃與桂枝同列非智者一失歟蓋
桂枝是最上枝條亦名柳桂言如柳條之嫩小也蓋
牡者陽也牡桂是稟離火純陽之氣故味帶苦且大
且厚與桂枝絕不相類何可混言本經言治上氣欬
逆導下焦之陰火逆上也治結氣辛溫開結也喉痺
吐吸同氣相招以引浮游之火下泄也然必兼苦寒
降泄之味用之利關節從內而達於表也補中益氣
久服通神輕身不老補助真元陽生陰長也然須詳
素稟豐腴溼勝火衰者爲宜若瘦人精血不充火氣
用事非可例以爲然也其治心腹冷痛癥瘕血痺癰
脈拘攣冷痰霍亂其功不減肉桂但治相火不歸下

元虛冷力不能直達下焦爲稍遜耳。

筒桂

俗名官桂

辛甘溫無毒。

本經主百病養精神和顏色爲諸藥先聘通使久服面生光華媚好常如童子。

發明 筒桂辛而不熱薄而能宣爲諸藥通使故百病宜之本經言其養精神和顏色有辛溫之功無壯火之患也爲諸藥先聘通使凡開提之藥補益之藥無不宜之久服面生光華媚好常如童子以其質薄性輕無桂心肉桂牡桂等雄烈之氣力勝真陰之比別錄治心痛脇痛脇風溫經通血脈止煩出汗皆薄則宣通之義綱目乃以別錄元素二家之言皆混列

牡桂之下蓋牡桂是桂之大者。功用與肉桂相類。專行氣中血滯。筒桂則專行胸脇。爲脹滿之要藥。凡中焦寒邪拒閉。胃氣不通。嘔吐酸水。寒痰水癖。奔豚死血。風寒痛痺。三焦結滯。並宜薄桂。蓋味厚則泄薄則通也。

桂枝 辛甘微溫無毒。

發明 麻黃外發而祛寒。遍徹皮毛。故專於發汗。桂枝上行而散表。透達營衛。故能解肌。元素云。傷風頭痛。開腠理解肌。發汗去皮膚風溼。此皆桂枝所治。時珍乃以列之。牡桂之下。誤矣。按仲景治中風解表。皆用桂枝湯。又云。無汗不得用桂枝。其義云。何夫大陽。

中風陽浮陰弱陽浮者熱自發陰弱者汗自出衛實
營虛故發熱汗出桂枝湯爲專藥又太陽病發熱汗
出者此爲營弱衛強陰虛陽必瘥之皆用桂枝發汗
此調其營則衛氣自和風邪無所容遂從汗解非桂
枝能發汗也汗多用桂枝湯者以之與芍藥調和營
衛則邪從汗去而汗自止非桂枝能止汗也世俗以
傷寒無汗不得用桂枝者非也桂枝辛甘發散爲陽
寒傷營血亦不可少之藥麻黃湯葛枝湯禾嘗缺此
但不可用桂枝湯以中有芍藥酸寒收斂表腠爲禁
耳若夫傷寒尺脈不至是中焦營氣之虛不能下通
營衛故需膠飴加入桂枝湯方取稼穡之甘引人胃

中遂名之曰建中。更加黃耆則爲黃耆建中。借表藥爲裏藥以治男子虛勞不足。千金又以黃耆建中換人當歸爲內補。建中以治婦人產後虛羸不足。不特無餘邪內伏之虞。并可杜陽邪內陷之患。非洞達長沙妙用。難以體此。詳桂枝本手少陰血分藥。以其象走陽維。凡傷之邪無不由陽維傳次。故此方爲太陽首劑。昔人以桂枝湯爲太陽經風傷衛之耑藥。他經皆非所宜。而仲景三陰例中。陰盡復陽。靡不用之。卽厥陰當歸四逆。未嘗不本桂枝湯也。○桂附各具五體。各有攸宜。內桂雖主下元。而總理中外血氣。桂心專溫藏府營血。不行經絡。氣分牡桂性兼上行。統治

表裏虛寒薄性善走胸膈不能直達下焦桂枝調和營衛解散風邪而無過汗傷表之厄真藥中之良品允爲湯液之祖也本經之言牡桂兼肉桂桂心而言言筒桂兼桂枝而言也其他板桂木桂僅供香料食料不入湯藥。

辛夷

郎木筆花

辛溫無毒剝去毛瓣取仁用忌火焙。

木經主五藏身體寒熱頭風腦痛面黤。

發明 鼻氣通於天肺開竅於鼻辛夷之辛溫走氣

而入肺利竅其體輕浮能開胃中滯陽上行通於天

故本經治陽氣鬱遏身體寒熱頭風腦痛面黤辛溫

能解肌表芳香上竄頭目逐陽分之風邪則諸證自

愈軒岐之後能達此理者東垣一人而已凡鼻歟鼻
淵鼻塞及痘後鼻癢並研末入麝香少許以葱白蘸
入甚良腦鼻中有浮氣久窒不通者宜之但辛香走
竅虛人血虛火熾而鼻塞及偶感風寒鼻塞不聞香
臭者禁用。

沉香 辛甘苦微溫無毒咀嚼香甜者性平辛辣者
性熱修製忌火香藥皆木不獨沉香也產海南者色
黃鋸處色黑俗謂銅筋鐵骨者良產大宜白棕紋者
次之近有新山產者色黑而堅質不鬆味不甘苦人
藥無効香船來者氣味帶酸此爲下品其浮木者曰
速香不入藥

發明 沉水香性溫秉南方純陽之性專於化氣諸
氣鬱結不伸者宜之溫而不燥行而不泄扶脾達腎
攝火歸源主大腸虛秘小便氣淋及痰涎血出於脾
者爲之要藥凡心腹卒痛霍亂中惡氣逆喘急者並
宜酒磨服之補命門三焦男子精冷宜人丸劑同廣
藿香香附治諸虛寒熱同丁香肉桂治胃虛呃逆同
紫蘇白豆蔻治胃冷嘔吐同茯苓人參治心神不足
同用椒肉桂治命門火衰同廣木香香附治婦人強
忍入房或過刃尿以致轉胞不通同肉蓯蓉麻仁治
大腸虛秘昔人四磨飲沉香化氣丸滾痰丸用之取
其降泄也沉香降氣散用之取其散結導氣也黑錫

丹用之取其被氣歸元也。但多降少升氣虛下陷人不可多服。久服每致失氣無度而黃少食虛證百出矣。○一種曰宜香與沉香大抵相類。故綱目釋名沉水香。蜜香二之並稱。但其性直者。毋論大小皆是沉水。若形如木耳者。俗名將軍帽。卽是蜜香。其力稍遜。僅能辟惡去疫氣。尸疰一切不正之氣。而溫脾暖胃。納氣歸元之功。不如沉香也。

丁香

一名荝香

辛溫無毒。有子而大者曰母丁香。去

蒂及子用。忌見火。

發明

丁香辛溫。入手太陰。足少陰。陽明經。溫胃進

食。止嘔定瀉。爲冷下痢白沫之要藥。乾霍亂不吐不

下及嘔逆不止。厥冷脈沉者，並宜服之。胃寒肝虛，呃逆嘔噦，止所必用。但渴欲飲水，熱噦呃逆，不可誤投。小兒痘疹，不光亮不起，發氣虛灰白，或脹或瀉，或渴或氣促，表裏俱虛之證，並宜加用。凡胃逆嘔吐者，健胃消痰藥中，加四五粒，甚効。不宜多用，但其性易於僭卜，過用則損精傷目，非屬虛寒者，槩不可施。○丁皮卽丁香樹皮，如筒桂皮而堅厚，色深紫，較之肉桂味稍枯，氣稍滯，能治一切心腹冷氣、腹脹、惡心、泄瀉、虛滑、小穀不消、反齒痛諸證。方家用代丁香。今舶上人每以偽充肉桂，不可不辨。

旃檀 辛溫無毒，禁用火焙。

發明 白檀香善調膈上諸氣散冷氣引胃氣上升
進飲食兼通陽明之經鬱抑不舒嘔逆吐食者宜之
癰疽潰後膿多禁用。

紫檀

鹹平無毒。

發明 白檀辛溫氣分藥也故能理衛氣而調脾胃
利胸膈紫檀鹹平血分藥也力能和營氣而消腫毒
療金瘡各有攸宜。

降真香

辛溫無毒禁用火焙。

發明

降真香色赤入血分而下降故內服能行血

破滯外塗可止血定痛刃傷用紫金散卽降真香用
磁瓦刮下和血竭研末是也又虛損吐紅色瘀昧不

鮮者宜加用之。其功與花藥石散不殊。血熱妄行色紫濃厚脈實便秘者禁用。

烏藥

辛溫無毒酒浸服乾用。不可見火。

發明

烏藥香竄能散諸氣。故治中風中氣諸證。用

烏藥順氣散者。先疎其氣。氣順則風散也。性溫能理七情鬱結。上氣喘急。用四磨六磨。婦人血氣諸痛。男子腰膝麻痺。用烏沉湯。並借參之力。寫補於瀉也。大抵能治氣血凝滯。霍亂吐瀉。痰食稽留。但專泄之品。施之。藜蘆相宜。若高粱之輩。血虛內熱者。服之。鮮不蒙其害也。

茴香

辛溫小毒。去子用。小而味淡者曰木蟹。不入

藥。

發明 舶上茴香辛熱味厚性人肝經散一切寒結

故黑錫丹用之若陰虛肝火從左上衝頭目者用之

最捷蓋茴香與肉桂吳茱萸皆厥陰之藥萸則走腸

胃桂則走肝藏茴則走經絡也得鹽引人腎經發出

邪氣故治疝氣有效但耗血發熱日病 瘍忌之

楓香脂一名白膠香 辛苦平無毒

發明 楓性疎通故木易蛀爲外科透毒 藥金瘡

筋斷一味爲末傅之千金治欬嗽膿血取其開發肺

氣也血熱生風齒頰腫痛爲末擦之燒過偕牙永無

牙疾。

薰陸香

即乳香

苦辛微溫無毒以酒研如 水飛晒

乾或苦上焙去油同燈心研易碎。

發明

乳香香竄能入心經活血定痛故爲癰疽瘡

瘍要藥諸痛癢瘡皆屬心火也產科諸方多用之亦取其活血調血之功耳凡人筋不伸者薰洗敷藥宜加乳香其性能伸筋也瘡疽潰後勿服膿多勿敷胃弱勿用。

沒藥

若平無毒修治與乳香同。

發明

乳香活血沒藥散血皆能止痛消腫生肌故

二藥每每相兼爲用凡刀傷打損墜馬並宜熱酒調

服若妊婦胎氣不安勿用產後惡露去多腹中虛痛

癰疽已潰而痛及筋骨胸腹諸痛若不因瘀血者皆不可服。

騏驎竭

柳血

甘鹹平無毒試之透指甲爲真嚼之

不爛如蠟者爲上草血竭色紫亞於瓜竭

發明 血竭木之脂液如人之膏血爲止痛和血收斂瘡口散瘀生新之要藥治傷折打損一切疼痛血氣攪刺內傷血聚並宜酒服乳香沒藥雖主血病而兼人氣分此則專於肝經血分也但性最急却引膿不宜多服其助陽藥中同乳香沒藥用之者取以調和血氣而無留滯雍毒之慮

安息香 辛熱微甘平無毒出西戎及南海波斯國

樹中脂也。如膠如飴。今安南三佛齊諸番皆有之。如飴者曰安息香。紫黑黃相和如瑪瑙。研之色白者爲上。粗黑中夾砂石樹皮者爲次。乃渣滓結成也。有屑末不成塊者爲下。恐有他香夾雜也。燒之集鼠者爲真。修製最忌經火。

發明 安息香乃外番入貢之物。香而不燥。竄而不烈。燒之去鬼來神。令人神清服之辟邪除惡。令人條暢。能通心腹。諸邪氣辟惡蠱毒。理霍亂。止卒然心痛。嘔逆。治婦人爲邪祟所憑。夜與鬼交。燒烟薰丹田穴。永斷。故傳尸癆瘵咸用之。其蘇合香丸。紫雪丹。用之各有轉日回天之功。洵非尋常方藥可比也。凡氣虛

少食陰虛多火者禁用。爲其能耗氣也。

蘇合香 甘溫無毒。出天竺崑崙諸國。安南三佛齊亦皆有之。其質如藕膠者爲蘇合油。色微綠如雉斑者良。微黃者次之。紫赤者又次之。以簪挑起。徑尺不
斷如絲。漸漸屈起如鈎者爲上。以少許擦手心。香透
手背者真。忌經火。

發明 蘇合香聚諸香之氣而成。能辟惡殺鬼精物。治溫瘧。蠱毒。癩瘻。去三蟲。除邪。能透諸竅藏。辟一切不正之氣。凡痰積氣厥。必先以此開導。治痰以理氣爲本也。凡山嵐瘴溼之氣。蘊於經絡。拘急弛緩不均者。非此不能。味但性燥。氣竄陰虛。多人禁用。

龍腦香

片即水

辛苦溫有毒忌見火

發明 龍腦香竄入骨風病在骨髓者宜之若風在
血脈肌肉用之反引風入骨髓也其味大李善走故
能散熱通利關絡結氣張雲岐人參散栢子仁湯等
方多用之其治目痛喉痺下疳取其辛溫而散火鬱
也時珍曰古方皆言龍腦辛涼入心故目疾驚風及
痘瘡心熱血瘀倒靨者用豬心血爲引使毒散於外
則瘡發此似是而非也目痛驚風及痘皆火病火鬱
則發之從治之法辛溫發散故也使壅塞通利經絡
條達而驚熱自平瘡毒能出然不可多用多用則真
氣立耗矣人有急難欲自盡者頓吞兩許立斃爲其

辛烈立能散盡真氣也。世人誤以爲寒，不知辛散之性似乎涼耳。治火證古出寸許用冰片末摻上卽繼引火歸元也。目病屬陰虛者不宜入點。

樟腦

一名腦子
又名韶腦

辛熱有毒。忌見火。

發明

樟木性稟龍火辛溫香竄能去濕辟惡氣故

治乾霍亂以樟木屑

濃汗吐之中惡卒死者以樟

木燒烟熏之待穌用樂韶郡諸山樟木最多土人以

之蒸汁煎煉結成樟腦與焰硝無異水中然火其焰

益熾今丹爐家及烟方皆用之去溼殺蟲此物所

長燒烟薰衣能辟蟲蝨治脚氣腫痛或以樟腦置兩

股用杉木作桶盛

濯之或樟腦烏頭等分醋丸彈

子大每置一丸於心踏之下以微火烘之衣被圍

覆汗出如涎爲効

阿魏 辛温有毒驗真偽法置熟銅器中一宿沾處

白如銀色者爲真

發明 阿魏消肉積殺蟲治癖積爲主藥故能解毒

辟邪治瘧痢瘡勞諸病久瘧用阿魏硃砂等分爲末

米糊丸皂子大空心人參湯服一丸卽愈如痢用黃

連木香湯下蓋瘧亦多起於積滯耳同麝香硫黃蘇

合貼一切塊有效然入脾胃喜芳香而惡臭烈凡脾

胃虛人雖有積滯不可輕投

蘆薈 苦寒小毒

發明 蘆薈入厥陰肝經及衝脈其功專於殺蟲清熱衝脈為病逆氣裏急及經事不調腹中結塊上衝與小兒疳熱積滯非此不除同甘草為末治頭項頑癰甚効但大苦大寒且氣甚穢惡僅可施之藜藿若胃虛少食人得之入口便大吐逆每致奪食泄瀉而成羸瘦怯弱者多矣有人背瘡愈後餘熱不除或令服蘆薈藥三服不數日而斃傷胃之性於此可徵

喬木部

黃蘗

根名 檀栢

若寒無毒生用降實火酒製治陰火上

炎鹽製治下焦之火薑制治中焦痰火薑汁炒黑治

溼熱鹽酒炒四治虛火陰虛火盛面赤戴陽附子汁

製

本經主五藏腸胃中結熱黃瘰腸痔止泄痢女子漏下赤白陰傷蝕瘡檀栢主心腹百病安鼈龜不饑渴久服輕身延年通神

發明

黃蘗苦燥爲治三陰溼熱之專藥詳本經主

治皆溼熱傷陰之候卽漏下赤白亦必因熱邪傷陰火氣有餘之患非崩中久漏之比其根治心腹百病鼈龜不安皆火氣內亢之候仲景梔子蘗皮湯治身黃發熱得其旨矣按黃蘗味厚而降入腎經血分凡腎水膀胱不足諸痿厥無力於黃耆湯中加用使兩足膝中氣力湧出痿弱卽愈黃蘗蒼朮乃治痿要藥

凡下焦溼熱腫痛并膀胱火邪小便不利及黃濁者並宜黃蘗知母爲君茯苓澤瀉爲佐凡小便不通而渴者邪熱在氣分主治在肺不能生水不渴者邪熱在血分主治在膀胱不能化氣亦宜黃蘗知母昔人病小便不通腹堅如石脚腿裂水雙睛凸出遍服治滿利小便藥不効此高粱積熱損傷腎水致膀胱不化火氣上逆而爲嘔噦遂以滋腎丸主之方用黃蘗知母入桂爲引導服少時前陰如火燒溺卽涌出顧盼腫消金匱治誤食自死去畜肉中毒用黃蘗屑搗服方寸匕解之不特治高粱積熱蓋苦以解毒寒以泄熱也大抵苦寒之性利於實熱不利於虛熱凡脾

虛少食或嘔吐瀉或好熱惡寒或腎虛五更泄瀉小便不禁少腹冷痛陽虛發熱瘀血停止產後血虛發熱癰疽腫後發熱陰虛小便不利痘後脾虛小便不利血虛煩躁不眠等證法皆忌之一種小而實如酸石榴者名曰小檗性亦不甚相遠千金翼阿伽佗丸用之

厚朴 苦辛溫小毒紫厚者佳薑汁炒用忌黑豆宜用滾水泡數次切之不可久浸氣滯有傷脾氣本經主中風傷寒頭痛寒熱驚悸逆氣血痺死肌去

三蟲

發明 厚朴苦溫先月後降爲陰中之陽藥故能破

血中氣滯本經中風傷寒頭痛寒熱者風寒外傷於陽分也其治驚悸逆氣血痺死肌者寒濕人傷於腠理也溼熱內著於腸胃而生三蟲此藥辛能散結苦能燥溼溫能祛蟲故悉主之消風散用之深得本經之義今世但知厚朴爲溫中散滯之藥而治腸胃溼滿寒脹溫中下氣消食止吐平胃散用以治腹脹者味辛能散滯氣也若氣實人誤服參耆脹悶作喘宜此瀉之與枳實大黃同用能瀉實滿所謂消痰下氣也與蒼朮橘皮同用能瀉溼滿所謂溫中益氣也然行氣峻猛虛者勿服氣溫卽止不可久服

杜仲 辛甘溫無毒上 炒斷絲用

本經主腰脊痛補中益精氣堅筋骨強志除陰下癢
溼小便餘瀝。

發明 杜仲古人但知補腎而本經主腰脊痛補中
益精氣等病是補腎以生土也。王好古言是肝經氣
分藥蓋肝主筋腎主骨腎充則骨強肝充則筋健屈
伸利用皆屬於筋故強肝而補腎子能令母實也。但
腎虛火熾夢泄遺精疝痛者勿用以其辛溫引領虛
陽下走也。

椿樗根皮

風眼

香者名椿甘平無毒臭者名樗苦

溫有毒樗樹有蟲謂之樗雞樗樹有莢莢中有實狀
如目珠名鳳眼草子嗣門中練真丸用之專治髓藏

中濕熱高年素享豐厚者宜之

發明 椿根白皮性寒而能瀉血治溼熱爲病瀉利濁帶精滑夢遺諸證有燥痰之功但痢疾滯氣未盡者不可遽用崩帶屬陰虛者亦不可服蓋椿皮色赤而人血分久痢血傷者宜之樗皮色白而人氣分暴痢氣滯者宜之不可不辨而混用也

乾漆

漆葉漆子

辛苦鹹溫有毒炒令烟盡否則損人腸

胃今人多用漆渣僞充必凝結如磚者佳

本經主絕傷補中續筋骨填髓腦安五藏五緩六急風寒溼痺生漆去是蟲久服輕身耐老

發明

乾漆正辛

性善下降而破血故消腫殺蟲

通月閉皆取去惡血之用而本經治絕傷補中。最取
其破宿生新之力也。蓋胃中有瘀積留滯則陽氣竭
絕不能敷布中外。故藏府筋骨髓腦皆失營養。乃致
健運失常。肢體緩縱。用此以鑷除瘀積。中氣得復。絕
傷皆續而緩急和矣。生漆去長蟲。故千金去三蟲方
以之爲君。三蟲去。輕身長年所不待言。但恆人艱於
久服耳。元素云。前年深堅結之積滯。破日久凝結之
瘀血。斯言盡乾漆之用矣。無毒也者。切忌以大傷營
血。損胃氣。故胃虛人服之。往往作嘔。此與本經之義
似乎相背。而實不相違。產後血暈。以舊漆器燒烟薰
之。卽醒。蓋亦取下血之義。而破經終中血滯。用真漆

塗鱖鯉甲煨入藥破血最捷婦人血虛經閉爲之切
禁凡畏漆者嚼椒塗口鼻免生漆瘡誤中其毒以生
蟹搗汁或紫蘇解之○漆葉塗紫雲瘋而生紫腫取
其散瘀之功也○漆子專主下血千金方用之審無
瘀滯慎勿漫投。

梓白皮 苦寒無毒取根去外黑皮用。

本經治熱毒去三蟲

發明 梓皮苦寒能利大腸陽明經濕熱仲景麻黃
連軹赤小豆湯用之其治溫病復傷寒飲變爲胃皖
者煮汁飲之取其引寒飲溼邪下泄也。

梧葉

皮

苦寒無毒

本經主惡蝕陰瘡五痔殺三蟲

發明 梧之與桐本是二種梧子狀如胡椒性熱助
火欬嗽多痰者勿食梧葉消腫毒生毛髮本經治惡
蝕陰瘡肘後治髮落不生醫林正宗治癰疽發背大
如盤臭腐不可近用梧葉醋蒸貼上熱退痛止漸漸
生肉收口梧皮煎汁療小兒丹毒惡瘡本經治五痔
殺三蟲今人煎湯薰洗腸痔脫肛卽本經治五痔之
應浸水塗鬚髮黑潤過用則髮黃赤助火之驗也

桐實 辛寒有毒

發明

桐子不入食品專供作油其狀如罌摩塗疥

癬毒腫吐風痰喉痺以桐油和水掃入喉中則吐誤

食吐者得酒卽解。

海桐皮

刺桐一名

苦平無毒。

發明 海桐皮能行經絡達病所治風溼腰脚不遂
血脈頑痺腿膝疼痛赤白瀉痢及去風殺蟲蟲牙風
痛煎湯漱之疔蝕疥癬磨汁塗之目赤膚醫浸水洗
之此藥專去風溼隨證人藥服之無風溼者勿用。

川練實

卽金鈴子
若練根附

苦寒小毒酒浸蒸炙去皮核取

淨肉捻作餅焙乾用。

本經主温病傷寒大熱煩狂殺三蟲疥瘡利小便水

道

發明

川棟

苦寒性降能導溼熱下走滲道人但知

其有治疝之功而不知其蕩熱止痛之用本經主溫
病煩狂取以引火毒下泄而煩亂自除其溫病之下
又續出傷寒二字以溫病原從冬時伏邪至春隨陽
氣而發故宜苦寒以降泄之其殺三蟲利水道總取
以苦化熱之義古方金鈴子散治心包火鬱作痛卽
婦人產後血結心疼亦宜用之以金鈴子能降火逆
延胡索能散結血功勝失笑散而無腥穢傷中之患
昔人以川棟爲疝氣腹痛殺蟲利水專藥然多有
之不効者不知川棟所主乃囊腫莖強水痛溼熱之
疝非痛引八腹厥逆嘔涎之寒疝所宜此言雖迥出
前人然猶未達至治之與夫疝瘕皆由寒束熱邪每

多製急作痛必需川棟之苦寒兼茴香之辛熱以解
錯綜之邪更須察其痛之從下而上引者隨手輒應
設痛之從上而下注者法當辛溫散結苦寒良非所
宜諸痛皆爾不獨疝瘕爲然近有一人牙宣出血不
止諸治罔效或令以棟實研細綿裹塞齒齦卽止詳
血從內出外治何能卽應因以少許置舌上其苦直
透諸齦况有竅漏安得不滲入於經也○苦棟根治
蠱毒前湯服之卽時吐出又能殺蟲治瘧○其花燒
烟辟蚊蟲亦本經殺蟲之驗

槐實

一名槐角

苦酸

鹹寒

無毒

取子入牛膽中陰乾日

服七枚久服有明目通神白髮還黑之功有痔及便

血者尤宜服之。凡目昏

木經主五內筋氣熱止涎唾補絕傷五痔火瘡婦人

乳癭子藏急痛。

發明 槐者虛星之精益腎清火與黃蘗同類異

治益黃蘗得滋腎經血燥此則專滋腎家津枯觀本

經主治皆脾胃有熱陰津不足之病止涎唾腎司閉

藏之職也下焦痔瘻腸風風熱便血年久不止者用

此一味熬膏煉蜜收服婦人乳癭子藏急痛皆肝家

血熱之患用以清熱滋燥諸證自安上皆指槐角而

言其角中核子專主明目久服鬚髮不白益腎之功

可知惟胃虛食少及孕婦勿服槐枝燒瀟塗妬精瘡

有清火潤燥之功。千金方也。

槐花 苦寒無毒。溫水滌去灰焙香用。

發明 槐花苦涼。陽明厥陰血分藥也。故大小便血

及目赤腫痛皆用之。甘得血而能視。赤腫乃血熱之

病也。腸血痔血同栢葉微炒爲末。烏梅湯服。腸風藏

毒淘淨炒香爲末。腸風荆芥湯服。藏毒。蘇豬藏。日日

服之。但性純陰。虛寒無實火禁用。

秦皮 苦微寒無毒。

本經治風寒溼痺。洗洗寒氣。除熱。目中青翳白膜。久

服頭不自輕身。

發明 秦皮浸水色青。氣寒。性瀋。肝膽藥也。本經治

風寒溼痺取其苦燥也。又王青白翳障取其苦降也。
小兒驚癇取其平木也。崩中帶下熱痢下重取其瀼
收也。老子云天道貴蓄此服食之品。故本經有久服
頭不白輕身之說。而仲景白頭翁湯治熱痢下重以
黃蘗黃連秦皮同用皆苦以堅之也。秦皮黃連等分
治赤眼腫痛。又一味煎湯洗赤目甚效。其味最苦胃
虛少食者禁用。

合歡皮

一名合昏千金名黃昏俗名烏城樹

甘平無毒

本經安五藏和心志令人歡樂無憂久服輕身明目
發明 合歡屬土與水補陰之功最捷單用煎湯治
肺癰唾濁合阿膠煎膏治肺痿吐血皆驗與白蠟同

熬膏爲長肌肉續筋骨之要藥而外科家未嘗錄用何也按合歡所主諸病不過長肌肉續筋骨故用以填補肺之潰缺而本經安五藏和心志等語豈特諸疾而已稽康養生論云合歡蠲忿萱草忘憂寧無顧名思義之實乎。

皂莢

一名皂角

辛鹹溫小毒入藥去皮弦子酥炙用。

本經主風痺死肌邪氣頭風淚出利九竅殺毒物。

發明 皂莢子散屬金治厥陰風木之病觀本經主

治風痺死肌頭風淚出皆取其去風消毒通關利竅有破堅積逐風痰辟邪氣殺蟲毒之功吹之導之則通上下之竅煎之服之則治風痰喘滿塗之擦之則

散腫消毒去面上風氣薰之蒸之則通大便秘結燒
烟薰之則治瘰癧溼毒卽本經治風痺死肌之意用
之無不効驗凡人卒中風昏昏如醉形體不收口角
流涎者急用栴涎散吐之若南方類中由於陰虛火
炎者誤用涌劑愈竭其津液矣得不在此切禁乎然
治溼熱痰積肺癰吐腥及痰迷顛妄干縉湯皂莢丸
來甦膏等誠爲聖藥惟孕婦禁用按大小二皂所治
稍有不同用治風痰牙皂最勝若治溼痰大皂力優
古方取用甚多然入湯藥最少有瘍醫以牙皂煎湯
涌吐風痰服後遍體赤癩數日後皮脫大傷元氣不
可不慎至於鎖喉風證尤爲切禁常見有激動其痰

鎖住不能吐出頃刻立斃者其子燒灰存性能治大腸風秘燥結祛風逐穢之性可知。

皂角刺

辛溫無毒去尖用否則脫人鬚髮。

發明

皂角刺治風殺蟲與菝葜同但其銳利直達

病所爲異其治痘疹氣滯不能起頂瀝膿者功效最捷而氣虛者慎勿誤用恐透表過銳反生虛泡也若血滯不能起頂瀝膿又需陵鯉當非角刺所宜丹方治大風惡疾眉落鼻崩用皂角刺三觔燒灰爲末食後煎大黃湯調一七服之不終劑而愈腫瘍服之卽消潰瘍服之斂以其性善開泄也。

肥皂菝

辛溫有毒去皮弦子取淨肉用之

發明 肥皂滌除頑痰垢膩不減二皂癡病勝金丹
用之亦取涌發不使砒性留於腸胃之意其于亦治
大腸風秘須去硬殼及黃膜但取其仁炒研用之庶
不致有傷腎氣耳。

無患子

俗名鬼見愁

苦平無毒。

發明 無患子言其辟邪之功也。澣垢去面黥喉痺
研納喉中立開。又主飛尸。子中仁燒之辟除惡邪。煨
食辟惡氣去口臭。

沒石子

一名無食子

苦溫無毒。

發明 沒石子合他藥染鬚。仲景用治陰汗。燒灰先
以湯浴之。以灰撲之甚良。又血痢及產後下痢俱用。

之綿裹塞牙痛效取溫散腎經溼熱也。

訶黎勒

子即訶

苦瀉溫無毒六稜者佳去核用。

發明

訶子苦瀉降斂生用清金止嗽煨熟固脾止

瀉古方取苦以化痰涎瀉以固滑泄也殊不知降斂之性雖云瀉能固脫終非甘溫益脾之比昔人言同烏梅五倍則收斂同橘皮厚朴則下氣同人參則補肺治嗽東垣言嗽藥不用者非也然此僅可施之於久嗽喘乏真氣未艾者庶有劫截之能又久嗽陰火上炎久痢虛熱下迫愈劫愈滯豈特風寒暴嗽溼熱下痢爲禁劑乎曷觀世醫用潤肺丸益黃散之功過

可知。

柳華

柳葉

苦寒無毒

本經主風水黃瘰面熱黑

發明 柳華性寒故能療風水黃瘰本經雖云柳絮

實柳華也絮則隨風飛揚何從覓之千金治一人積

年不孕吉祥丸中與丹皮桃仁芍菊同爲散血之用

亦屬柳華無疑柳葉治惡疥痂瘡煎湯洗之立愈以

其力能殺蟲也痘瘡生蛆以兒臥柳葉上其蛆立化

無葉時根皮亦可用之

檉柳

俗名西河柳

甘鹹平無毒

發明 檉柳獨入陽明故其功專發麻疹兼解酒毒

去風煎湯浴風疹身癢効其治剝牛馬血入肉者取

水經卷五

卷三 桑柘木部 柳華 檉柳水楊

下

以火炙熨之亦可煮汁浸之其毒卽解

水楊 苦平無毒枝硬葉潤條不下垂其材可造矢

者爲水楊其枝與葉細條葉下垂者謂之柳。

發明 柳葉殺蟲痘爛生蟲用鋪臥下其蟲卽出煎

湯洗漆瘡惡疥楊枝解毒浴之消癰腫瘡瘍根治痘

瘡項陷漿滯博愛心鑑有水楊浴法如無水楊根以

忍疼藤煎湯代之然南方皮腠薄弱良非所宜肘後

治乳癰用柳根永類鈴方以水楊根搗貼乳癰其熱

如火再貼遂平大抵二根性味不甚相遠。

榆根白皮

本經名

甘平滑無毒。

本經治大小便不通利水道除邪氣。

發明 榆有二種一種二月生莢其莢飄零故謂零
榆一者八月生莢皮有滑汁謂之榔榆性皆滑利然
入手足太陽手陽明經本經治大小便不通取其有
逐溼利竅之功故五淋腫滿及胎產宜之本草十劑
云滑以去着冬葵子榆白皮之屬蓋亦取其通利滲
溼消留着有形之物耳榔榆甘寒其下熱淋利水道
之功則一但服之令人睡較零榆之除邪氣稍有不
同二者性皆疎利若胃寒而虛者服之恐泄真氣良
非所宜

蕪荑 辛平無毒去殼取仁微炒用

本經主五內邪氣散皮膚骨節中淫淫溼行毒去三

蟲化食

發明 蕪荑辛散能祛五內皮膚骨節溼熱之病近世但知其有去疢殺蟲及腸風痔瘻惡瘡疥癬之用殊失本經之旨千金治婦人經帶崩淋之病每同澤蘭厚朴藁朮白芷細辛防風栢仁石斛輩用之取其去子藏中風熱垢膩也和猪脂搗塗瘡和蜜治溼癬及治腹中氣血痰酒諸癖以蕪荑仁炒香兼暖胃活血理氣藥爲散服之

蘇方木 甘鹹平無毒

發明 蘇木 功中之陰降多升少肝經血分藥也性能破血產後血腫脹悶欲死者苦酒煮濃汁服之本

虛不可攻者用二味參蘇飲補中寓瀉之法稟然可
宗但能開泄大便臨證宜審若因惱怒氣阻經閉者
宜加用之少用則和血多用則破血如產後惡露已
淨而血虛腹痛大便不實者禁用

樺木皮 苦平無毒。

發明 樺皮能收肥膩故用以治溼熱瀉風癰毒取
其能辟惡氣殺蟲蟲也開寶治諸黃澀濃煮汁飲之
以其能利小便也和劑治遍身瘡疥如癩及癰癢搔
癢面上風刺婦人發刺靈苑方治乳癰腫痛結硬欲
破燒存性無灰酒服之

櫻櫚 苦澁平無毒陳久者良。

發明 櫻灰性瀉失血去多瘀滯已盡者用之。又當
取瀉以固脫也。如積瘀未盡誤服則氣滯血瘀益增
痛結之患矣。

烏柏根

辛苦溫有毒

發明 烏柏味苦而辛。性沉而降。故能主暴水癥結
積聚。功勝大戟。氣虛人不可用之。○葉治食牛馬六
畜肉腹中疝痛欲死者。搗自然汁一二盞頓服。大利
毒去則愈。冬用根皮搗爛。和酒絞服。○柏油塗頭變
白爲黑。塗一切腫毒瘡疥。○柏油燭抽去心。導大便
秘結効。

巴豆

辛熱大毒去殼及心炒紫黑或燒存性或研

爛紙包壓去油取霜各隨方製

本經主傷寒溼瘧寒熱破癥瘕結聚堅積留飲痰癖
大腹蕩練五藏六府開通閉塞利水穀道去惡肉除
鬼毒蠱疰邪物殺蟲魚

發明 巴豆辛熱能蕩練五藏六府不特破癥瘕結
聚之堅積并可治傷寒溼瘧之寒熱如仲景治寒實
結胸用白散深得本經之旨世本作溫瘧當是溼瘧
亥豕之謬也其性峻利有破血排膿攻痰逐水之力
宜隨證輕重而施生用則峻攻熟用則溫利去油用
霜則推陳致新隨證之緩急而施反正之治峻用則
有戡亂劫病之功少用亦有撫綏調中之妙可以通

腸可以止瀉此發千古之秘也一老婦久病溘泄遍服調脾升提止瀉諸藥則瀉反甚脈沉而滑此脾胃久傷冷積凝滯所致法當以熱下之則寒去利止自後每用以治泄痢積聚諸病多有不瀉而病痊者妙在得宜耳苟用不當則犯損陰之戒矣按巴豆大黃同爲攻下之劑但大黃性寒府病多熱者宜之巴豆性熱藏病多寒者宜之其殼燒灰存性能止瀉痢亦劫病之効也孕婦禁用以力能墮胎也元素曰巴豆乃斬關奪門之將不可輕用世以治酒病膈氣以其辛熱能開通腸胃鬱熱耳第鬱結雖通血液隨亡其陰虧損傷寒結胸小兒疳積用之不死亦危柰何庸

人畏大黃而不畏巴豆。以其性熱劑小耳。試以少許
輕擦完膚。須臾發泡。況下腸胃能無熏灼潰爛之患
乎。卽有急證不得已而用之。壓去其油。取霜少許入
藥可也。

大風子

辛熱有毒。去殼取仁用。

發明 丹溪曰。粗工治大風病。佐以大風油。殊不知
此物性熱。有燥痰之功。而傷血特甚。至有病將愈而
先失明者。時珍曰。大風油有殺蟲劫病之功。然不可
多服用之外塗。其功不可沒也。

相思子

苦平小毒。

發明 相思子味苦有毒。立能吐人。其粒半黑半紅。

故以命名能通九竅去心腹邪氣止熱悶頭痛風痰瘴癘殺一切蟲毒蟲毒取三七枚研水服之卽當吐
出今人皆認此爲赤小豆以之配入六神麴中舖家
以誤認而罔名醫家亦不辨而混用噫醫之道可勝
道哉。

灌木部。

桑根白皮

有寒無毒須蜜酒相和拌令濕透炙熟

用否則傷肺

泄氣大不利人根見土面者有毒傷人

發明

桑根

白皮瀉肺氣之有餘止嗽而能利水肺

中有水氣及漏穴有餘者宜之肺虛無火因風寒而

嗽者服之風邪反閉固不散而成久嗽者有之甄權

治肺中水氣唾血熱渴水腫腹滿臃脹利水道去寸
白蟲可以縫金瘡。縱後以熱雞血塗之。桑皮之功用
盡矣。

桑椹 甘溫無毒

本經主傷中五勞六極羸瘦崩中絕脈補虛益氣。

發明 桑椹手足少陰太陰血分藥本經所主皆言

桑椹之功而宗奭云本經言桑甚詳獨遺其椹卽瀕

湖之博識尙不加察但以其功誤列根皮之下所以

世鮮採用惟萬壽酒用之

桑葉 苦甘微寒小毒蜜水拌蒸用。

本經除寒熱出汗。

木 經 卷 三 灌 木 部 桑 椹 白 皮 桑 椹 子

發明 桑葉清肺胃去風明目。取經霜者煎湯洗風
眼下淚。同黑芝麻蜜丸。久服鬚髮不白。不老延年。本
經言除寒熱出汗。卽大明蒸熟搗晉風痛出汗之謂
煎飲利五藏。通關節下氣。煎酒服治一切風。桑根燒
灰淋汁與石灰點面上風滅疔去惡肉。

桑枝 苦平無毒。

發明 桑枝清熱去風。故遍體風癢乾燥。水氣脚氣
風氣。四肢拘攣。無不宜之。時珍云。煎藥用桑者。取其
能利關節。吟風寒溼痺諸痛也。觀靈樞治寒痺用桂
酒法。以桑炭灰布巾熨痺處。治口僻用馬膏法。以桑
鈎鈎其口。坐桑灰上。又癰疽發背流注頑瘡。久不愈

者用桑木炙法未潰則拔毒止痛已潰則補接陽氣其法以桑柴劈作小片束作小把然火吹息灸患處每吹炙片時瘡肉漸腐用此以助內服之藥又治久嗽不止用桑枝煎湯渴卽飲之桑柴灰熬膏點大風惡疾或淋取汁洗頭面不過十度卽瘥此聖惠法也

柘根白皮

甘溫無毒

發明 時珍曰柘能通腎氣故聖惠方治耳鳴耳聾

藏器煮汁釀酒服止風虛耳聾勞損虛羸腰腎冷千

金治耳鳴汗出皆由腎虛或一二十年不瘥者方用

柘根三十觔菴蒲五斗故鐵二十觔燒赤浸三宿用

米二石麴二斗用上三味汁釀如常法制服必効方

具千金二十卷中。

楮實俗名穀樹子根皮名穀白皮

甘平無毒。

發明 楮實走肝腎血。分別錄治陰痿水腫益氣充

肌明目。大明言壯筋骨助陽氣補虛勞。健腰膝益顏

色而修真秘旨言久服令人骨軟濟生秘旨言治骨

鯁用楮實煎湯服之。豈非軟骨之徵乎。脾胃虛人禁

用。楮根白皮別錄主逐水利小便甄權治水腫氣

滿吳普治喉痺。總取散風祛毒之義。

枳殼 辛苦平無毒陳耆良生熟各隨本方。

本經主大風在皮膚中。如麻豆苦癢除寒熱結。

發明 枳殼破氣化痰泄肺走大腸多用損胸中至

高之氣枳殼主高枳實主下。高者主氣下者主血故
殼主胸膈皮毛之病本經所治大風在皮膚中如麻
豆苦癢除寒熱結是指表病而言實主脾胃心腹之
病本經所謂止痢長肌肉利五臟益氣輕身是指裡
病而言凡人臧府清利則氣自益身自輕矣詳枳殼
枳實皆能利氣氣下則痰喘止氣行則痞脹消氣通
則刺痛已氣利則後重除也仲景治胸脇痞滿以枳
實爲要藥諸方治下血痔痢大腸秘塞裏急後重又
以枳殼爲通利則枳實不獨治下枳殼不獨治高也
然枳實性沉兼能入肝脾血分而消食積痰氣瘀血
有衝墻倒壁之喻枳殼性浮兼通肺胃氣分而治喘

欬霍亂水腫有乘風破浪之勢與桔梗同爲舟楫之劑。故柴胡枳殼除寒熱痞滿之專藥。凡夾食傷寒感冒與表藥同用皆無妨礙。妊娠胞肥有瘦胎飲乃因氣壅阻滯而設。設素稟怯弱者誤服令母氣耗難產子亦氣弱難育是取虛虛之禍也。

枳實

辛苦平無毒。

本經止痢長肌肉利五藏益氣輕身。

發明 枳實入肝脾血分消食瀉痰滑竅破氣心下痞及宿食不消並宜枳實故潔古枳實丸以調脾胃實祖金匱治心下堅大如盤用枳實白朮湯之法腹卽軟消潔古曰心下痞及宿食不消發熱並宜枳實

黃連好古曰。益氣則佐之。以參木乾薑破氣則佐之。以大黃芒硝。此本經所以言益氣。而潔古後言消瘀也。李士材云。自東垣分枳殼治高。枳實治下。好古分枳殼治氣。枳實治血。然究其功用。皆利氣也。凡氣弱脾虛。致停食痞滿。治當補中益氣。則食自化。痞自散。若用枳殼枳實。是抱薪救火矣。

枸橘

辛溫無毒。

發明

枸橘與枳同類。其幹多刺。故破氣散熱之力。

過之時。珍治下痢膿血。後重。今人解酒毒。用之。總取

其破氣之力也。丹方以枸橘煨。未存性。酒服。方寸七

治胃脘結痛。又以醋浸熬膏。攤貼內傷。諸痛。貼卽痛。

止但須久貼方不復發。

梔子 苦寒無毒。入吐劑取肥梔生用。入降火藥以

建梔薑汁炒黑用。

本經主五內邪氣胃中熱氣而赤酒皰皸鼻白癩赤

癩瘡瘍。

發明 梔子仁體性輕浮專除心肺客熱本經治五

內邪氣胃中熱氣等病不獨除心肺客熱也其去赤

癩白癩瘡瘍者諸痛癢瘡皆屬心火也炮黑則專瀉

三焦之火及痞塊中火最清胃脘之血屈曲下行能

降火從小便中泄去仲景治傷寒發汗吐下後虛煩

不得眠心中懊懣梔子豉湯主之因其虛故不用大

黃既亡血。亡津。內生虛熱。非此不去也。治身黃發熱。用梔子蘄皮湯。身黃腹滿。小便不利。用茵陳梔子大黃。取其利大小便。而蠲溼熱也。古方治心痛。恆用梔子。此爲火氣上逆。氣不得下者設也。今人泥丹溪之說。不分寒熱。通用虛寒。何以堪之。大苦大寒。能損伐胃氣。不無減食泄瀉之虞。故仲景云。病人舊有微溼者。不可與之。世人每用治血。不知血寒則凝。反爲敗證。治實火之吐血。順氣爲先。氣行則血自歸經。治虛火之吐血。養正爲主。氣壯則自能攝血。此治療之大法。不可少違者也。

酸棗仁

質酸平仁甘平無毒。

本經主心腹寒熱邪結氣聚四支酸痛溼痺久服安
五藏

發明

酸棗仁味甘而潤熟則收斂津液故療膽虛

不得眠煩渴虛汗之證生則導虛熱故療膽熱好眠

神昏倦怠之證足厥陰少陽本藥兼入足太陰脾經

按酸棗本酸而性收其仁則甘潤而性溫能散肝膽

二經之滯故本經治心腹寒熱邪氣結聚痠痛血痺

等證皆生用以疎利肝脾之血脈也蓋肝虛則陰傷

而煩心不能藏竄故不得眠也傷寒虛煩多汗及虛

人盜汗皆炒熟用之總取收斂肝脾之津液也歸脾

湯用以滋養營氣則脾熱自除單用煮粥除煩益膽

氣膽氣寧而重夢安矣。今人專以爲心家藥。殊昧此理。

白棘 辛寒 無毒

本經主心腹痛。癰腫潰膿。止痛決刺結。

發明 白棘乃小棗樹上針。故能決刺破結。本經主

癰腫潰膿。與皂刺不甚相遠。別錄治丈夫虛損。陰痿

精自出。補腎氣益精髓。療喉痺不通。又治腹脇刺痛。

尿血痔漏。皆取其透達肝腎二經也。

蕤仁 甘溫無毒。去殼湯浸去皮尖。水煮過。研細。紙

包壓去油用。

本經主心腹邪熱。結氣明目。目赤痛傷。淚出。目腫。背

爛

發明 蕤仁甘溫而潤能治諸經風熱之邪。心腹邪熱結氣不獨治目疾也。眼風癢或生翳或赤眚黃連蕤仁去皮研膏等分以乾棗去核填八煎水點眼甚驗。但不因風熱而因於虛者勿用。

山茱萸 酸溫無毒去核微焙用。核能泄精。

發明 滑則氣脫。澆以收之。山茱萸止小便利祕精氣取其酸澆以收滑也。甄權治腦骨痛療耳鳴補腎氣興陽道。堅陰莖添精髓。止老人尿不節。治面上瘡能發汗。止月水不定。詳能發汗當是能歛汗之誤。以其酸收無發越之理。仲景八味丸用之。蓋腎氣受益。

則封藏有度。肝陰得養。則疎泄無虞。乙癸同源也。命門火旺。赤濁淋痛。及小便不利者。禁服。○本經食茱萸。主治。從古誤列。山茱萸條內。今移入。彼庶不失先聖立言本旨。具眼者辨諸。

金櫻子

甘酸。瀋溫。無毒。剖開去核及毛用。

發明

金櫻子止小便遺泄。瀋精氣。取其甘溫而瀋

也。夫經絡隧道。以通暢為和平。而昧者無過服之。以取快慾。則不可。若精氣不固者。服之何咎。之有但陰虛多火。人誤服。每致溺瀉莖痛。不可不慎。

郁李仁

卽棠梨一名雀李

仁辛苦平。無毒。湯浸去皮及雙

仁者。研如膏。勿去油。忌牛馬肉及諸酪。

本經主大腹水氣面目四肢浮腫利小便水道。

發明 郁李仁性潤而降爲大便風秘專藥。本經治大腹水氣面目四肢浮腫取其潤下之意利小便水道者水氣從之下趨也。搜風順氣丸用之。雖有潤燥之功而下後令人津液虧損燥結愈甚。老人津液不足而燥結者戒之。根治風蟲牙痛濃煎含漱冷卽吐去更含勿燕汗以其能降泄也。

鼠李

當作楮李子一名牛李子熬汁可以染綠今造紙爲鋪取汁射印綠色故又名綠子

苦

涼微毒

本經主寒熱瘰癧瘡

發明 牛李生青熟黑而帶紅紫入肝腎血分其味

苦涼善解諸經伏匿之毒本經治寒熱瘰癧大明治
水腫腹滿蘇恭治下血及疝瘕積冷搗敷牛馬瘡中
生蟲時珍治疥癬有蟲總取其去溼熱之功惜乎世
鮮知用惟錢氏必勝膏治痘瘡黑陷及出不快或觸
穢氣黑陷方用牛李熬膏桃膠湯化皂子大一丸如
人行十里再進一丸其瘡自然紅活蓋牛李解毒去
溼熱桃膠辟惡氣活血耳。

女貞實 苦甘微寒無毒其子黑者爲女貞實若紅
色者卽爲冬青非女貞也

發明 女貞少陰之精但性稟純陰味偏寒滑脾胃
虛人服之往往減食作瀉以本經拘骨主治誤列此

味之下後世繆認女貞有補甲安五藏之功多致誤用滋患特甚因表而出之

枸骨

一名猫兒刺俗名十大功勞

微苦甘平無毒

本經補中安五藏養精神除百病久服肥健輕身不老

發明

枸骨本經諸家本草皆誤列女貞條下味苦

甘平有補中安五藏養精神除百病久服肥健輕身不老之功皆指枸骨而言女貞至陰之物安有如上等治乎其木嚴冬不凋葉生五刺其子正赤允爲活血散瘀堅強筋骨之專藥又爲填補髓藏固斂精血之要品僅見丹方不入湯丸古方惟浸酒補腰脚令

健枝葉燒灰淋汁。或煎膏塗白廕風。今方士每用。數
筋去刺入紅棗二三筋。熬膏蜜收。治勞傷失血。痿軟
往往獲効。以其能調養血氣。而無傷中之患也。其脂
爲臠。以粘禽鳥。其能滋培精血可知。

衛矛

卽鬼箭羽

苦寒無毒。生山石間。小株成叢。葉似野

茶。三四月生小黃綠花。實如冬青子。條上有羽如箭
視之若三羽故名。

木經主女子崩中下血。腹滿汗出。除邪殺鬼毒蠱症。
發明 鬼箭專散惡血。故本經有崩中下血之治。別
錄治中惡腹痛。去白蟲。消皮膚風毒腫。卽腹滿汗出。
除邪殺鬼毒蠱症之治。今人治賊風歷節。諸痺婦人

產後血暈。血結聚於胸中。或偏於脇肋。少腹者。因物
倍歸。加鬼箭羽。紅花。玄胡索煎服。以其性專破血。力
能墮胎。妊娠禁服。

南燭

牛助樹也。俗名烏葉。

苦平無毒。

發明 凡滋腎藥皆能傷脾。此獨止泄。除睡者。氣與
神通。藏氣言。久服輕身不饑。變白不老者。強精益氣
之驗。千金月令方用之。今四月八日煮汁。造青精飯
是也。

五加根皮

辛溫無毒。

木經主心腹疝氣腹痛。益氣療躄。小兒三歲不能行。

疽瘡陰蝕。

發明 五加者五車星之精也。爲風溼痿痺。壯筋骨。助陽氣之要藥。本經治心腹疝氣腹痛。益氣痿躄。小兒三歲不能行。其溫補下元壯筋除溼可知。別錄治男子陰痿囊下溼。小便餘瀝。女人陰癢腰脊痛。脚痺風弱。大明治骨節拘攣。蘇恭主四肢攣急。種種皆須釀。則力勢易行。非湯藥中所宜。

枸杞 甘平無毒。河西及甘州者良。

本經主熱中消渴。久服堅筋骨耐寒暑。

發明 枸杞子味甘色赤。性溫無疑。根味微苦。性必微寒。緣本經根子合論無分。以致後人或言子性微寒。根性大寒。或言子性大溫。根性苦寒。蓋有感於一

本無寒熱兩殊之理。夫天之生物不齊，都有豐於此而濇於彼者。如山茱萸之肉濇精核滑精，當歸之頭止血尾破血，橘實之皮滌痰膜聚痰，不一而足。卽炎帝之嘗藥，不過詳氣味形色，安有味甘色赤形質滋腴之物。性寒之理，本經所言主熱中消渴，堅筋骨耐寒暑，是指其子而言。質潤味厚，峻補肝腎，衝督之精，血精得補益，水旺骨強，而腎虛火炎，熱中消渴，血虛目昏，腰膝疼痛，悉愈而無寒暑之患矣。所謂精不足者，補之以味也。古諺有云：去家千里，勿食枸杞，甚言補益精氣之速耳。然元陽氣衰，陰虛精滑，及婦人失合勞嗽，蒸熱之人，慎用，以能益精，血精旺則思偶理。

固然也。

地骨皮 甘淡微寒無毒泉州者良。

本經主五內邪氣周痺風溼久服堅筋骨輕身不老
發明 地骨皮枸杞根也三焦氣分之藥下焦肝腎
虛熱骨蒸自汗者宜之熱淫於內瀉以甘寒也人但
知芩連治上焦之火知蘖治下焦之火謂之補陰降
火不知地骨之甘寒平補有益精氣退邪火之妙時
珍嘗以青蒿佐地骨退熱屢有殊功又主骨槽風證
亦取人足少陰味薄即通也本經主五內邪氣周痺
風溼輕身不老取其甘淡化熱苦寒散溼溼散則痺
著通熱化則五內安其氣清其味薄其質輕誠為修

真服食之仙藥。按續仙傳云朱孺子見溪側二花犬逐人枸杞叢下掘之得根形如二犬烹而食之忽覺身輕本經之輕身不老可確徵矣則枸杞之滋益不獨在子而根亦不止於退熱也。苗葉微苦亦能降火及清頭目。

溲疏

一名巨骨

苦平一云辛寒無毒

本經主皮膚中熱除邪氣止遺溺利水道。

發明 溲疏與枸杞相類先哲雖以有刺無刺樹高

樹小分辨然枸杞未嘗無刺但樹小則刺多樹大則

刺少與酸棗白棘無異本經枸杞條下主五內邪氣

熱中消渴即溲疏之除邪氣也枸杞條下主周痺風

溼卽溲疏之止遺溺利水道也。除去五內之邪則熱中消渴愈矣。疏利水道之熱則周痺風溼痊矣。溲溺疏利則氣化無滯。子藏安和。觀千金方與梅核仁辛荑藁本澤蘭子葛上亭長同清子藏三十六疾。其清利風熱之性可知。或云巨骨卽地骨之大者。按種樹書云。收子及掘根種肥壤中。待苗生剪爲蔬食甚佳。溲疏之名未必非此。

石南 辛苦平無毒。

本經養腎氣內傷陰衰利筋骨皮毛。

發明 石南嚴冬不凋。凌霜正赤。性溫益腎可知。本

經養腎氣內傷陰衰利筋骨皮毛皆取益腎之功。古

方爲風痺腎弱要藥。今人絕不知用。蓋由甄氏藥性論有令人陰痿之說。殊不知服此藥者能令腎強。嗜慾之人藉此放恣。以致痿弱。而歸咎於藥。良可慨也。

牡荊

荊即黃荊

實苦溫。根莖甘苦平。莖瀝甘平無毒。

發明

荊爲治風逐溼祛痰解熱之藥。實除骨間寒

熱下氣治心痛。及婦人白帶。炒熟酒煎服。治小腸疝氣。浸酒治耳聾。葉治霍亂轉筋。下部溼露。脚氣腫滿。以荊莖人罈中。燒烟薰湧泉穴。及痛處。汗出則愈。搗爛蠶蛇傷根。主頭心肢體諸風。解肌發汗。莖治火灼瘡爛。煎水漱風牙痛。荊瀝除風熱。開經絡。導痰涎。行血氣。解熱利。千金翼云。凡患風人多熱。嘗宜以竹瀝

荆瀝薑汁和勻熱服。以瘥爲度。熱多用竹瀝。寒多用
荆瀝。二汁同用。竝以薑汁助送。則不凝滯。但氣虛不
能食者。則用竹瀝。氣實能食者。則用荆瀝。

蔓荆子 苦辛溫無毒。

本經主筋骨間寒熱溼痺拘攣。明目堅齒利九竅。去
白蟲。

發明 荆蔓子入足太陽體輕而浮。故治筋骨間寒

熱溼痺拘急。上行而散。故能明目堅齒利九竅。去白

蟲。及風寒目痛。頭面風虛之證。然胃虛人不可服。恐

助痰濕爲患也。凡頭痛目痛。不因風邪而血虛。有火

者禁用。瞳神散大尤忌。

紫金皮 皆平無毒。苦如膽而紫厚者良。

發明 紫荆木之精也。入手足厥陰血分。能破宿血。下五淋。通小腸。解諸毒。治傷寒赤膈黃耳。活血消腫。爲杖瘡必用之藥。治癰疽流注諸毒。冷熱不明者。用紫荆皮。獨活。赤芍。白芷。白蠟。炒爲末。葱湯調敷。痛甚筋不舒者。加乳香甚驗。

木槿根皮 甘苦微寒無毒。

發明 槿爲癬科要藥。潤燥活血。川中所產。質原色紅。稱勝而世不易得。土槿皮亦可用之。但力薄耳。其治腸風下血。取其清熱滑利也。其治痢後作渴。餘熱在經津液不足也。○其花以千瓣白者爲勝。陰乾爲

末治反胃吐食。陳糯米湯下二錢。日再服。紅者治腸風血痢。白者治白帶白痢。並焙入藥。○子治偏正頭風。燒烟熏患處。并用爲末。酒服一錢七効。

芙蓉 辛平無毒。

發明 芙蓉葉散癰疽。殊有神効。瘍醫秘其名爲清涼膏。鐵箍散皆此藥也。加生大黃。赤小豆末麝香。其功甚。

山茶花 苦温無毒。

發明 山茶色紅味苦。開於青陽初動之時。得肝木之氣。而生心火。肝藏血。心主血。故吐血衄血。下血爲要藥。生用則能破宿生新。入童便炒黑。則能止血。其

功不減鬱金。眞血家之良藥也。

密蒙花 甘平微寒無毒。鼻之卽嚏者。眞揀淨酒浸

一宿。漉出。眼乾用。

發明 密蒙入肝經血分。潤肝燥。爲搜風散結。目疾之專藥。治青盲昏翳。赤腫多眵淚。消目中赤脈。及小兒痘瘡餘毒疳氣攻眼宜之。

木棉子 辛溫微毒。

發明 木棉葉青花黃莖赤棉白子黑。允爲溫走命門之品。取子燒存性。不獨解癰瘡毒。而痔漏脫肛下血。每服半兩。黑豆淋酒服之。其油燃燈。能昏人目。以其助淫火也。

柞木皮 苦平無毒。

發明 柞專利竅。故治黃瘧鼠癭。催生並燒末用之。

黃楊 苦平無毒。

發明 黃楊性斂而降。婦人難產。人達生散中服之。

即効。

放杖木 甘溫無毒。

發明 放杖專治一切風氣血氣。理腰脚。老人浸酒。

服之一月。放杖故名。

接骨木 一名續骨木。又名木蒴。藿俗名杆杆活。

甘苦平無毒。

發明 此木專主折傷。續筋骨。除風痺。齟齒可作浴。

湯。根皮主痰飲水氣。痰瘡打傷瘀血。一切血不行。竝。

養汁服之不可多服以氣腥傷伐胃氣也。

寓木部

茯苓

甘淡平無毒。人大氣藥。人乳潤蒸。入利水藥。

桂酒拌晒入補陰藥。童便浸切。一種栽蒔而成者曰蒔苓。出浙中。但白不堅。入藥少力。凡用須去盡皮膜。則不傷真氣。以皮能泄相津液。膜能阻滯經絡也。

本經主胸脇逆氣。憂恚驚邪。恐悸。心下結痛。寒熱煩滿。欬逆口焦。舌乾利小便。久服安寢養神。不饑延年發明。茯苓得松之餘氣而成。甘淡性平。能守五藏真氣。其性先升後降。入手足太陰少陰。足太陽陽明。開胃化痰利水定悸。止嘔逆泄瀉除溼氣散虛熱。本

經治胸脇逆氣以其降泄也憂悲驚悸心下結痛以
其上通心氣也寒熱煩滿欬逆口焦舌乾利小便以
其導熱滋乾流通津液也本草言其利小便伐胃邪
厥陰病則遺溺皆虛熱也必上熱下寒當用升陽之
藥非茯苓輩淡滲所宜故陰虛不宜用也此物有行
水之功久服損人八味丸用之不過接引他藥歸就
腎經去胞中久陳積垢爲搬運之功耳是以陰虛精
滑而不覺及小便不禁者皆不可服以其走津也其
能分利水穀偏滲大腸而泄注也茯苓分利陰陽則
瀉自止矣大便約者以膀胱之水不行膀胱硬滿上
撐大腸故大便不能下通也宜茯苓先利小便則大

便隨出也。至若肺虛則遺溺，心虛則少氣，遺溺下焦

虛則遺溺，胞遺熱於膀胱則遺溺，膀胱不約爲遺溺。

輸膀胱則知淡滲之性，必先上升而後下降。膀胱氣

化而小便利矣。若肺氣盛則上盛下虛，上盛則煩滿

喘乏，下虛則痿蹇軟弱而小便頻，茯苓先升後降引

熱下滲，故小便多者能止也。大便瀉者胃氣不和，不

大便約者可通丹，溪言陰虛者不宜用，義似相反者。

何哉？蓋茯苓淡滲，上行生津液，開腠理，滋水之源而

下降利小便，潔古謂其屬陽浮而升，言其性也。東垣

言其陽中之陰降而下，言其功也。經言飲入於胃，遊

溢精氣，上輸於脾，脾氣散精，上歸於肺，通調水道，下

發明

猪苓八腎與膀胱血分。性善疏利經府。世人

但知爲利水專藥。不知其有治痲瘰蠱疰之功。仲景
治消渴脉浮。小便不利微熱者。猪苓散汗之病。欲飲
水而復吐。名曰水逆。五苓散主之。猪苓專司引水之
功。久服必損腎氣。昏人目。利小便之劑。無如此訣。故
不入補劑。非澤瀉之比也。而本經又云。久服輕身耐
老。是指素多溼熱者而言。不可一律而推。

雷丸 苦鹹寒小毒。竹之餘氣所結。皮黑肉白者良。
八藥炮用。赤黑色者殺人。

本經殺三蠱。逐毒氣。胃中熱利丈夫。不利女子。

發明 雷丸功專殺蟲。楊衞得異疾。每發語則腹中

有小聲漸漸聲大有道士曰此應聲蟲也但讀本草
取不應者治之讀至雷丸不應遂頓服數粒而愈此
追蟲下積之驗也本經稱其利丈夫別錄云久服陰
痿似乎相反不知利者疎利之也疎利太過則閉藏
失職故陰痿也千金治小兒傷寒不能服藥浴方中
恒用之取其逐毒氣之功也

桑寄生 苦甘平無毒

本經主腰痛小兒背強瘰腫充肌膚堅髮齒長鬚眉
安胎

發明 寄生得桑之餘氣而生性專祛風逐溼通調
血脈故本經取治婦人腰痛小兒背強等病血脈通

東垣云小便多者能止。瀉者能通。又大便瀉者可止。赤者八丙丁。但主導赤而已。其皮治水腫。膚腫通水道。開腠理。勝於大腹皮之耗氣也。

茯神 甘淡平無毒。卽茯苓中之抱根而生者。

發明 神農本經。只言茯苓。明醫別錄。加添茯神。而主治皆同。後人治心病。必用茯神。故潔古云。風眩心虛。非茯神不能除。然茯苓未嘗不治心痛也。陶弘景始言茯苓赤瀉白補。此發前人之秘。時珍謂茯苓茯神。只當云赤入血分。白入氣分。如牡丹芍藥之義。茯神中所抱之木。治風溼筋骨攣縮。與松節同功。

琥珀 甘平無毒。出番隅楓木脂膏所化。俗云。茯苓

千年化琥珀。此誤傳也。

發明 古方用琥珀利小便。以燥脾土有功。脾能運化。肺氣下降。故小便可通。若陰虛內熱。火炎水涸。血少不利者。反致燥結之。苦其消磨滲利之性。非血結膀胱者。不可誤投。和大黃鼈甲作散。酒下方寸匕。治婦人腹內惡血。血盡則止。血結腫脹。腹大如鼓。而小便不通者。須兼沉香葷破氣藥用之。又研細傳金瘡。則無癍痕。亦散血消瘀之驗。凡陰虛內熱。火炎水涸。小便不利者。勿服。服之愈損其陰。滋害彌甚。

猪苓 甘淡微苦平無毒。

本經主痰癰解毒蠱疰不祥。利水道。久服輕身耐老。

調而肌膚眉髮皆受其蔭。卽有癰腫亦得消散矣。古
聖觸物取象。以其寓形榕木與子受母氣無異。故爲
安胎聖藥。別錄言去女子崩中。產後餘疾。亦是去風
除溼益血補陰之驗。惟西蜀南粵不經飼蠶之地。始
有。故真者絕少。今世以榕樹枝質充慎。勿誤用。其真
者絕不易得。故古方此味之下有云。如無以續。斷代
之。於此可以想象其功用也。

松蘿 苦甘平無毒。

本經治顛怒邪氣止虛汗頭風。女子陰寒腫痛。

發明 松蘿是松上女羅又名兔絲。能平肝怒去寒

熱邪氣。其去頭風止虛汗者。本乎天者清上也。別錄

療痰熱溫瘧可爲吐湯利水道故肘後方同瓜蒂杜
蘅酒漬再宿且飲一合取吐胸中痰熱頭暈千金方
同瓜蒂恒山甘草水酒和煎取吐胸膈痰癥以其輕
清上涌故吐藥用之。

苞木部

竹葉

甘微寒小毒

本經主欬逆上氣療筋急惡瘍殺小蟲。

發明

諸竹與筍皆甘寒無毒惟竹葉受陰風烈日

氣多故不無小毒本經主欬逆上氣者以其能清肺

胃之熱也療筋急惡瘍者以其能化身中之氣也氣

化則百骸條暢何有小蟲之患乎仲景治傷寒解後

虛羸少氣氣逆有竹葉石膏湯金匱治中風發熱面赤頭痛有竹葉湯總取清肺胃虛熱之義。

竹茹 甘寒無毒取竹茹法選大青竹磁片刮去外膜取第二層如麻縷者除去屑末用之。

發明 竹茹專清胃府之熱爲虛煩煩渴胃虛嘔逆之要藥。欬逆吐血產後虛煩無不宜之。金匱治產後虛煩嘔逆有竹皮大丸千金治產後內虛煩熱短氣有甘竹茹湯產後虛煩頭暈短氣悶亂不解有淡竹茹湯內虛用甘以安中。悶亂用淡以清胃各有至理存焉其性雖寒而滑能利竅可無鬱遏客邪之慮。

竹瀝 甘寒無毒 取竹瀝法以青竹斷二尺許鑄

開火炙兩頭盛取用之。如欲多取以罈埋土中溼泥糊好。量罈口大小。用蔑籬二道豎入罈口。多著炭火於竹頂上炙之。

發明 竹葉兼行肌表。故能療瘡殺蟲。竹茹專清胃府。故能止嘔除煩。竹瀝善透經絡。能治面脈拘攣。痰在皮裏膜外。筋絡四肢非竹瀝不能化之。純陰之性。雖假火逼。然須薑汁鼓動其熱。方得應手取効。千金治風痺身無痛。四肢不收。志亂不甚。有竹瀝飲子。詳本經療筋急。專取竹瀝之潤以濡之也。千金治四肢不收。則兼附桂羚羊之雄以振之也。一以舒急。一以收緩。妙用不可思議。或言竹瀝性寒。僅可施之熱痰。

不知入於桂附劑中。未嘗不開發溼痰寒飲也。惟胃
虛腸滑及氣阻經闕者誤投。每致呃逆不食。脫瀉不
止而斃。陰柔之性。不發則已。發則必暴。率難挽回也。
筍 甘微寒小毒

發明 諸筍多食皆動氣發冷癥。令人心痛與羊肝
食之損目脾胃虛弱。大腸滑瀉皆不宜。食俗醫治痘
往往勸啜筍湯。及加入湯藥。不知痘瘡不宜大腸滑
利。而筍有刮腸篋之名。若腸胃不實尤忌。惟血熱毒
盛者為宜。其乾筍淡片。利水豁痰。水腫葶蘆丸用之。
竹黃 甘寒無毒

發明 竹黃出大竹之中。津氣結成。其味功用與竹

本草綱目 卷三 竹黃 竹筍 竹葉 竹茹 竹瀝 竹炭 竹灰 竹粉 竹油 竹糖 竹蜜 竹酒 竹醋 竹醬 竹茶 竹粉 竹油 竹糖 竹蜜 竹酒 竹醋 竹醬 竹茶

瀝同而無寒滑之害。涼心經去風熱。爲小兒驚癇風熱痰湧失音。治痰清熱之要藥。以其生天竺國故名。天竺黃。今藥肆多燒諸骨及葛粉雜入。不可不辨。

震燒木

發明 雷氣通於心。故可治失心驚悸之病。又掛門戶。大壓火災。

藏器部

錦 新絳 黃絹 綿

發明 錦灰主失血。血崩金瘡出血。新絳治婦人血崩。絲本主血。加以色絳。又用煨灰。所以取治失血。有效。自然黃。絲絹煮汁服。止消渴。及產婦胞損。爲補勝。

脫粟藥綿灰能止吐衄崩中及大小便諸血。

褲襠

發明

仲景治陰陽易病身重少氣腹急引陰膝脛

拘急者燒裋散主之取裋中近隱處燒灰水調方寸

匙日三服小便卽利陰頭微腫則愈男用女裋女用

男裋

裹脚布

發明

男子裹脚布取纏軟者遶其腹則腹痛瀉痢

便止婦人欲回乳以男子裹脚布勒住一宿卽止功

効勝於服藥也。

鑿柄

六經全頁

卷三 藏器部 雜錄

三

發明 鑿柄治妊娠難產。燒灰酒服。取其開鑿孔竅也。銃揆燒服。取其迅發之疾也。

弓弩弦

發明 難產取弓弩弦縛腰及燒弩牙納酒中飲之。皆取發機快疾之義。時珍曰。弓弩弦催生。取其疾速也。折弓弦止血。取其斷絕也。

敗蒲扇蒲席

發明 蒲性本寒。加以爲扇。至敗。汗漬日久。鹹寒相濟。故用以燒灰和粉撲身。取扇動招風止汗之義。敗蒲席取久臥者。燒灰酒服二錢。治墜仆惡血。同蒲黃。當歸赤芍。朴硝煎湯調服。汗乃血液沾濡。日久用以

燒灰同氣相感之應也。

漆器

發明 漆本散血。故用燒烟。治產後血暈。熏之即蘇。

又殺諸蟲。

燈盞油 苦辛寒小毒。

發明 油性熬之愈。其燈油得火氣最深。故取以治
卒中風不省。喉痺痰厥。用鷺翎蘸掃喉中。涌吐頑痰。
通其上逆。然後用藥。

炊單布

發明 炊單布受甑熱氣最多。故用以治湯火薰蒸。
面目浮腫。燒末敷之。即消。以類相感也。金匱治墜馬。

一切筋骨傷損亦用之。青布燒灰。蜜調敷熱毒瘡。効
敗鼓皮 平無毒。

發明 敗鼓皮專主蠱毒。取其形空而聲響遠振也。
燒作屑。水和服之。病人卽喚蠱主姓名往呼。木主取
蠱卽瘥。梅師云。凡中蠱毒。或下血如鷲肝。或吐血。或
心腹切痛。如有物咳下。卽治之。食人五藏卽死。欲知
是蠱與否。但令病人以唾吐水。沉者爲是。浮者卽非。
用敗鼓皮燒灰。酒服方寸匕。須臾自呼蠱主姓名。外
臺秘要云。治蠱取敗鼓皮廣五寸長一尺。薔薇根五
寸。如堪指大小一升。酒三升。煮二升服之。當下蠱毒
卽愈。